

諸官衛醫師

〔享祿本類聚三代格四〕太政官符

應省史生一員置醫師事

右得鑄錢司解稱檢案內此司在岡田之日典藥醫師一人別置司家今醫師停置療治無方望請省史生置醫師謹請官裁者中納言兼左近衛大將從三位行民部卿清原真人夏野宣奉勅依請

天長四年七月三日

太政官符

應六衛府醫師預奏任事

右得醫師等解狀稱謹檢官位令典藥寮醫師從七位針師從八位諸衛府醫師正八位太宰府醫師正八位又延曆十五年十月廿八日格稱陸奧國醫師准少目者今典藥寮醫師針師并太宰府陸奧國醫師等皆是奏任而至諸衛府醫師獨在判補伏案物意可謂相違望請官裁被預奏任者中納言從三位兼行左衛門督源朝臣能有宣奉勅依請

仁和元年十二月廿九日

〔三代實錄清和〕貞觀五年九月十五日甲辰木工醫師正六位上民首廣宅等賜姓真野臣

〔三代實錄清和〕貞觀十年正月八日癸卯中略左近衛醫師紀宿禰春生並授外從五位下

〔續日本後紀仁五〕承和三年四月丁酉賜入唐使節刀中略被遣唐醫師山城國葛野郡人朝原宿禰岡

野改本居貫附左京四條三坊

〔令義解職一〕凡國博士醫師國別各一人

〔令集解職六〕朱云問國博士醫師何不云職掌答雖不稱職掌則其下置學生明知教授學生無疑者

私案考課令云國博士立三等考第居官不怠教導有方為上教授不倦生徒充業為中不勤其職教訓有闕為下其醫師准效驗多少十得七以上為上得五以上為中得四以上為下者是以為驗也而

國醫師